



DEO OPTIMO MAX.
UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICO-CHIRURGICA,*

QUODLIBETARIIS DISPUTATIONIBUS
*manè discutienda in Scholis Medicorum, die Jovis vigesima
mensis Aprilis, Anno Domini M. DCC. LII.*

P R Æ S I D E,

M. JACOBO - BENIGNO WINSLOW;
Doctore Medico, Regiæ Scientiarum Academiæ Regiæque So-
cietatis Berolinensis Socio, Regio Linguarum Teutonicarum
Interprete, Anatomes & Chirurgiæ in Scholis Medicorum Pa-
risiensium atque in Horto Regio Professore Antiquo.

An ad extrahendum Calculum diffecanda ad pubem Vesica?

I.



ALCULUS, qui vesicam diris divexat
cruciatibus, eâ dissectâ quàm primùm eximen-
dus est, omni ætate, quâvis anni tempestate,
posthabita etiam Cœli ratione. Optandum
ut atteri & comminui ille posset, atque uri-
næ effluentis impetu excerneretur: at cum nihil exter, quod

* M. Nicolai Pitre, ann. 1635.

2

id præstare valeat, una vesicæ sectio calculo laboranti opitulari & subvenire potest. Propterea Dei, hominum salutis studiosissimi, singulari consilio, uni omnium animantium homini, ex alvi sinu extat vesica; & cum superiore, tum inferiore sui parte quasi foras prodit, ut ita exposita facile disseccari posset in hominis solatium.

I I.

HOMINI duntaxat appensa vesica est peritoneo, eoque duplicato quasi sacco concluditur; unde cæteris visceribus illæsis, abdominis etiam cavo integro & intacto, cædi tutò in pube potest: mediâ sui partē demissa subter pubis ossa, cervice suâ perinæum attingit; fundo verò, ad pubem imam ventris partem elato, ea ipsa pubis ossa superat digitos ferè tres, ut cathetere paululum incurvo attolli possit in pube ad sectionem æquè commodè ac in perinæo. Venis, ab Hypogastricâ prodeuntibus, perfusa est plurimis, ut licet substantia omninò membranosa sit, cæsa tamen coeat faciliè & sanescat, non cervice potius quàm aliâ quâvis sui partē; nimirum sanguine ad quasque divisas illius partes peræquè appellente, easque glutinis instar connectente: præter adipem plurimum, qui privatâ & suâ consistentiâ, non partis cujus vis frigore, concrevit. Obtenduntur vesicæ, tum tendines membranosi musculorum abdominis, tum pyramidales muscoli, qui ad ejus fundum coeunt, at, imâ suâ parte discreti, quasi designant & notant sectionis locum, si fortè disseccanda in pube sit vesica.

I I I.

DISSECANDÆ ad pubem vesicæ, & ex eâ calculi dextrimendi ratio perfacilis est, minimùmque operosa: Chirurghi manus in id erudita, suis pollens viribus, hoc opus omne administrat & peragit. Ecce, agro supino

jacente, diductis cruribus, eisque vinculo devinctis, cathetere leviter ab imo inflexo, & aversâ sui parte eâque incurvâ rescisso, attollitur vesica, & cultello, exactâ acie, diffecatur ad fundum usque amplo & patente vulnere; tum amovetur catheter, & Chirurgi manus alterutrius digitis quasi oculatis in vulnus inditis, lustrantur vesicæ regiones omnes, & deprehensus calculus nullo negotio properè & celeriter extrahitur. Si vesicæ ille adhareat, eliso digitis glutine, nullâ vi avellitur; quin si enata membrana sinum vesicæ faciat geminum, & calculum contineat, is, tenui forcipis ictu discissâ membranâ digitis etiam educitur, atque hâc arte nec divelletur discerpetur ve vesica, nec omninò aut minimùm contundetur, quod in vulneribus vesicæ potissimum est.

IV.

DISCISSA tantùm vesicâ levioris momenti vulnus habetur & est. In urinâ angustis quotusquisque dissectus fuit nullo vitæ discrimine? At unâ cum vulnere si collisa fuerit vesica, deterius jam vulnus est & sæpiùs lethale. Ut vesicæ Chirugi calculi extractionem molientis præcipua laus sit, non solum curare ut expedita sit sectio & dolore minimo peragatur, sed imprimis studere, ut nullo periculo, nullo vesicæ damno, calculus educatur; geminum illud est, alterum dilaceratio, alterum contusio; alterutrum vel utrumque si affuerit, consequetur inflammatio brevè extinctura tenuem vesicæ calorem.

V.

VESICA ad pubem incisâ, si plures subsint calculi omnes extrahentur, nec ullus superesse poterit. Sanguinis grumi, qui dum morantur, gravissimos invehunt affectus, unâ cum urinâ per ductum urinarium facilè elabentur: vulnus urinâ non proluetur, quod ad vesicæ discissæ unionem accelerandam facit plurimum; ita verò sub-

jectum oculis vulnus est, ut & illius & vesicæ vulneratæ Chirurgus omnis explorata futura sit ratio. Liberabitur æger tubulo illo qui in vulnus quamprimum immitti solet, turundâ etiam omni prælongâ, quæ duo cum adhibentur dolorem movent non levem, diathesin inflammatoriam fovent, quietem ferè omnem adimunt: nec sordebit ille immundâ illuvie, namque & alvi onus pelvi, & urina matulâ commodè excipietur; licebit & mutare situm, modòque in dextrum modò in sinistrum latus, gratâ vice, decumbere. Uno verbo curatio longè faciliior, & certior multò sanationis spes erit.

*Ergò ad extrahendum Calculum diffecanda ad pubem
Vesica.*

DOMINI DOCTORES DISPUTATURI.

*M. Franciscus de-Paulâ Com-
balusier.*

M. Jacobus Barben du Bourg.

*M. Tuffanus-Gilbertus Boul-
land, Consiliarius Medicus
Regis ordinarius in ejus Ca-
stello.*

M. Hugo Capet.

*M. Joannes - Jacobus Mes-
sance.*

*M. Gasparus Cochon Dupuy,
Regis Consiliarius & in Ar-
ce Maritimâ Rupisfortens
Anatomes & Chirurgia Pro-
fessor Regius.*

M. Petrus-Augustinus Ades.

*M. Carolus - Franciscus The-
roulde de Toulouze de Val-
lun, Eques.*

M. Jacobus-Albertus Hazon.

Proponēbat Parisiis CLAUDIUS-THOMAS-GUILLELMUS GUILBERT
DE PRÉVAL, Cadomæus, Doctor Medicus Cadomenfis; necnon Saluber-
rimæ Facultatis Medicinæ Parisiensis Baccalaureus, A. R. S. H. 1751.

A SEXTA AD MERIDIEM.